

Берия хакидаги китобимга мен дастлабки кунданок, 1980 йилда Нью-Йоркда «Мустабиднинг киёфаси» номи билан чиккан Сталин тўгрисидаги китобимнинг давоми сифатида караганман.

Дарҳакикат, мен Берияни мисоли бир Сталиннинг кўзгудаги аксидек тасаввур киламан. Улар оммани бошқариш методлари ва усулларида устаси фаранг эдилар — бунда одамларга шубха билан, шафкатсизларча муносабатда бўлиш энг асосий восита саналарди. Г. Ягодани олайлик, унгача ишлаган Менжинский ва Дзержинский, кейин Ежов — Лубянкада фаолият кўрсатган бу кишиларнинг хаммаси, аслида хаваскор эдилар, деса бўлади. Лекин 1938 йилда Лубянкага Бериянинг келиши — бу НКВДга пихини ёрган кишининг келиши бўлди.

Сталиннинг атрофидаги, унинг кўл остидаги кишилар, юшок килиб айтганда, на аклан, на мардоналиклари билан, на ўз касбини пухта эгаллаганликлари жихатидан ярк этиб ажralиб турган кишилар эмасдилар. Булар орасида факат Берия бошкacha эди. У хатто — аклга зид равишда! — узокни кўрадиган одам бўлиб чикди: жаҳолатпарастнинг жаҳолатпарости, аникрок килиб айтадиган бўлсак, жаллодликни касб килиб олган бу одам шундай ислохотлар килишни таклиф этди (масалан, колхозларга нисбатан) ва ташки сиёsatни шундай ўзгартириб юбормокчи бўлди (икки герман давлатини кўшиб юбориш мумкин деди), сафдошлари уни Совет давлатининг душмани ва Коммунистик партиянинг душмани, деб бемалол айтишлари мумкин эди.

Сталин ва Берия тўгрисидаги китбларим устидаги ишим узок вакт тўхтаб колди, чунки менга анча вакт отамни оклаш билан шугулланишга тўгри келди. Хрущев эълон килган оклов курук гапдан иборат шунчаки иш бўлди, аслида эса Антонов-Овсеенкодан «троцкийчи» ва «халқ душмани» ёрлиги охирги пайтларгача олиб ташланмаган эди. Хрущев окловидан кейин, бундай кулфат кўп йиллар Лениннинг сафдошлари бошига тушмаганида, мен бу хақда тўхталмаган бўлур эдим. Улар мутахассис тарихчилар учун, бу демак, ўкувчилар учун хам халқ душмани бўлиб колдилар. Шунинг учун хам мен шу масала билан шугулландим. 1965 йилда сиёсий адабиётлар нашриётида «Инкилоб номи билан» китобимни, кейин Ленинград нашриётида яна бир янги китобимни чоп эттирдим. Факат шундан кейин Сталин ва Берия мавзууси билан шугулландим.

Хокимиятнинг юкори погоналарида Сталин ўлимидан сўнг галати вазият юзага келди. Марказий Кўмита котиби лавозимини эгаллаган Хрущев хали йўлбошли сифатида тан олинмаганди. Бу ерда хамма нарсани Берия билан Маленков хал килар эди. Сталиннинг илгариги суюкли кишилари — Молотов, Каганович, Ворошилов, Микоян — бу икки кудратли шахсга карши туриб, Никита Хрущевнинг позициясини мустахкамлай олишмади ва буни хохлашмади хам. Сарой фитначилари, тажрибали амалпарастлар

Муаллиф:

03.09.2013 16:54 -

бўлган бу кишилар хеч качон бир-бирларига ишонишмасди, ўз ракибларининг хар бир кадамини гайрлик билан кузатиб боришарди, уларни хеч нарса бирлаштирумасди. Дарвоке, улар учун умумий бўлган нарса — хокимият ишки, мансабдан ажраб колишдан, кўркувдан иборат эди.

Хрушчев партия аппарати, кўп йиллик тажрибага таяниб, марказдаги ва жойлардаги ходимларнинг ўз иродасига сўзсиз бўйсунишига эришди. Лекин унда дадиллик етишмаётганди. Берия эса кутарди. Эллик учинчи йилнинг баҳорида Президиумда кучларнинг бекарор мувозанати юзага келди. Уни биринчи бўлиб ким бузади?

Берия партиянинг юкори органини каттиқ силкиб ташлаш учун замин хозирлай бошлади. Унинг садоқатли, ўз тасаввурicha, ёрдамчиси — Маленков бор эди. Бу одам бой тажрибага ва марказий аппарат билан мустахкам алоказа эга эди. Берия кудратли жазо ва кидирув органларига таянарди ва Президиум аъзолари уюшмаганидан кўнгли таскин топарди. Бундай вазиятда унга ким хам карши тура олади?

Май оида Хрушчевнинг Киевда бирга ишлашган дўсти Тимофей Строкач ташвишли хабар келтириди: Украина нинг ички ишлар ташкилотлари барча кучларни жалб килиш ва жанговар тайёр холатда туриш тўгрисида маҳфий топширик олди. Партия котиби бўлган Никита Хрушчев Сталин кўл остида дам масҳарабоз, дам малай ахволига тушиб, калтираб, жилпанглаб неча йил яшади? Эндиликда эса Берия пайдо бўляяпти...

Лекин унинг режаларини кандай билса бўлади? Шунда тақдир омадсиз партия етакчисига раҳм килгандай, унга душман томондан иккита кочокни юборди. Ички ишлар вазири ўринбосарлари Иван Серов ва Сергей Круглов, ўз бошликларининг имкониятларини чамалаб кўришиб, уни сотишга карор килишди. Улар Никита Сергеевичга Бериянинг барча режаларини маълум килишди, куролли исён кандай режалаштирилганлигини, кисмлар жойлашган ерларни, фитначиларнинг исм-шарифларини айтишди.

Биринчи навбатда энг кийин вазифани бажариш—Марказий Кўмита Президиуми аъзоларини ягона мушт килиб бирлаштириш керак эди. Кейинчалик унинг ўзи хикоя килишича, Сталин кўл остида ишлаганларнинг биронтаси хам ишонса бўладиган, катъиятли кишилар эмасдилар. Кўп йиллар бурун экилган «уруг» ўз самарасини бераётган эди. Молотов — «у хали тип эди» (Хрушчевнинг ўз ибораси). Маленков — Лаврентий Бериянинг якин дўсти. Ворошилов — кўркок ва лаганбардор. Каганович — охирги пайтда каёкка огишини, кимга кўшилишини хеч качон билиб бўлмайдиган Лазарь-мугамбир. Булганинга ишонса бўлади, лекин бошкалар бош тортса, у ўзини кандай тутар экан?

У Николай Булганиндан, мудофаа вазиридан бошлади. Кўрикчилар двизиясини факат армиягина енгиши мумкин. Хрушчев Булганин билан Сталин хаётлигига умумий тил топишганди, Бериянинг зўравонликларига биргаликда чидашганди, бундан бўён хам бирга бўлишга ахд килишди. »

Анастас Микоян билан Хрушчев бир машинада шахар ташкарисига чикишди, автомобилни тош кўчада колдириб, иккиси ўрмон ёнидаги ялангликда сайр килиб, жиддий мавзуда сухбатлашишди. Микоян иккиланди: «Мен Лаврентий Павловични 1919 йилдан бери биламан, менинг кўз ўнгимда у йирик партия ходими даражасига етди, хизмат кўрсатган одамни бирдан суриб ташлаш яхши эмас... Унинг хатоларини кўрсатишин... У ўртокларча танқидни хисобга олади...»

Хрушчевга Микоян билан яна гаплашишга тўғри келди.

Молотов билан музокаралар, кутилмаганда, силлик ўтди. Хрушчев билан шахар ташкарисига борганидан бир неча кун аввал Давлат хавфсизлиги хизмати, Вячеслав Михайловични огохлантирмасдан, унинг шахсий кўрикчисини алмаштирди. Молотов хавфли фитначиларга анчадан бери ташвиш ва шубха билан караб юрган эди. Улар уни иккинчи, йўқ, энг орка каторга суриб кўйишидни ва эндиликда бундан хам ёмонрок бир нарсани тайёрлашмокчи. Сталиннинг кўп йиллик сафдоши бўлган бу кишининг акли калта эди, лекин табиат ўзини муҳофаза килиш. туйгусидан уни хам бебахра килмаганди. Молотов Хрушчевни сўзсиз кўллаб-куватлашни ваъда килганида, у бир зарб билан Берияни хам, Маленковни хам гумдон килади, деб ўйлаганди. Лекин Никита Сергеевич бу икки дўстнинг орасини бузишга уриниб кўрмокчи бўлди. Уларнинг дўстлиги у кадар мустахкам бўлмаса керак? Бошкалар катори Маленковнинг хам кулаб кетиш хавфи бор-ку.

Хрушчев Маленков билан очикчасига гаплашишга кўркди: кутилмаганда сотиб кўйса-чи? Лекин у, бу нозик масалада сўз очиши биланок, Маленков дархол кўпчилик тарафида эканлигини маълум килди. Шу куни Хрушчев Воздвиженкага борди. Олий Совет Президиуми Раиси воеа бундай чаппасига айланиб кетишини кутмаган эди.

— Менга нимани таклиф килаяпсиз? Ўрток Берия—ажойиб ленинчи-ку. Мен Лаврентий Павловични хамиша хурмат килганман ва хеч ким мени бу фикримдан кайтара олмайди!

— деб баланддан келди Клим Ворошилов.

— Кўп дод-вой килаверма, худо хакки, бу ерда сен билан мендан бошка хеч ким йўк. Сен бехабарсан, Президиумнинг барча аъзолари биз билан. Агар хозир шошилинч чоралар кўрмасак, у бизни битта-биттадан гумдон килади, нахотки шуни тушунмасанг?.. Лекин маршал кўркоклик килди.

Лазарь Каганович хам Ворошиловники сингари фикр билдириди. Хрушчев унга хамма

Муаллиф:

03.09.2013 16:54 -

гапни очик айтди: Маленков, Молотов, Сабуров, Булганин «розимиз» дейишиди. Нихоят, Каганович кўпчилик тарафида бўлишини маълум килгач, Ворошилов тўгрисида сўради. Хрущев маршалнинг сўзларини такрорлади. Каганович тутокиб кетди: «Кари туллак! У сизни алдабди, менга Берияни хушламаслигини, у хавфли одам эканлигини, хаммамизни йўқ килиши мумкинлигини айтган-ку...»

Хрущев Ворошиловни яна бир синаб кўришга карор килди ва унинг олдига Маленковни юборди. Маленков аник харакат режасини маълум килганида, Ворошилов уни кучоклаб йиглади...

Бирликка эришилган захоти Булганин билан Жуков кучларни жалб килишга киришдилар. Лекин Бериянинг айгокчиларига билдирамаган холда Москва остонасида ва Москванинг ўзида кандай килиб кўшинларнинг кучли жанговар гурухини юзага келтириш мумкин? Москва харбий округи кўшинлари кўмондони бўлмиш Артемьев Бериянинг садокатли хизматкори-ку. Илгари у ички ишлар вазирлиги ички кўшинлари дивизиясига командирлик килган. Мудофаа вазирининг биринчи килган иши шу бўлдики, ёзги маневрлар баҳонасида Артемьевни Москвадан узокка — Смоленск туманига жўнатиб юборди.

Май ойи ўрталарида Берлинда тўполнонлар, ишчиларнинг иш ташлаши бошланди. Марказий Кўмита Президиуми у ерга Лаврентий Берияни юборишга карор килиб, унга бир гурух харбийларни кўшиб жўнатди. Берия йўгида Маленков, Булганин ва Хрущев тор доирада кенгаш ўтказишиб, кудратли вазирни бартараф этишнинг аник тадбирларини белгилаб олишни режалаштиришганди. Кимdir 20 майга Президиум мажлиси белгиланганлигини Берияга маълум килишга улгурди. Берия ўша захоти кўнгирок килди:

- Сиз у ерда нима максадда йигилмокчи бўлайпсизлар? Кун тартиби кандай?
- Одатдаги мажлис, кишлок хўжалиги масаласини мухокама киласиз.
- Нима сабаб билан? Менга хамма материалларни юборинглар. Референтларга тегишли материалларни дархол тайёрлаб, Берлинга жўнатишига тўгри келди. Эртаси куни Берия яна кўнгирок килди:
- Нега Марказий Кўмитанинг кишлок хўжалик бўйича вазири йўқ, нега вазир йўқ? Нега бундай бемаънигарчилик килаяпсизлар? Мен учиб бораман.

У Москвага йигилиш арафасида етиб келди ва бизнинг фитначиларимизга кишлок хўжалиги муаммолари мухокамасининг чинакам сахнасини ўйнашга тўгри келди. Ўланган операция кечикирилди, хали бу ишга зарур тайёргарлик кўрилмаганди. Сталиннинг кекса сафдошларидан бўлган Анастас Микояннинг позицияси айникса ташвишлантирас эди. Ахир Хрущевга у билан икки марта гаплашишга тўгри келди. Микоян кўпчиликка кўшилишга тайёрга ўхшарди, лекин у ўз ваъдасига вафо килармикан? Ворошилов хам иккиланаётган кўринади...

Муаллиф:
03.09.2013 16:54 -

Бу орада вазият янада кескинлашди.

Маленков ва Булганинга Минск шохйўли туманида, Москва якинида яширин равишда десант дивизияси тузилаётганлиги хакида хабар етиб келди. Бу маълумотлар харбий разведка ташкилотлари оркали маршал Жуковга маълум бўлди.

Июнь ойи бошида, Берия кандайдир баҳона билан мамлакатнинг турли вилоятларидан 400та партия ходимини киска муддатли курсга тўплаганлиги маълум бўлди.

Курсантларнинг ярмига якини Кавказорти жумхуриятларидан келди. Уларга тўппончалар берилди ва Кремлга чакирилиб колишлари мумкинлиги хакида огохлантирилдилар.

* * *

26 июнь Берия камаладиган кун килиб белгиланди. У Кремлга йигилишга келиши билан барча харбий академиялар тревога билан кўтарилади ва пойтахтга алоҳида ишончли дивизиялар киради.

Марказий Кўмита Президиумининг барча аъзолари бўлажак йигилишдан хабардор эдилар, факат уч киши — Маленков, Булганин ва Хрущевнинг ўзи — бу мажлисда нима бўлишини, операциянинг умумий режаси кандайлигини билишарди. Яна бир кишига — маршал Жуковга ишнинг барча икир-чикирларини маълум килишди. Ўша пайтда у фактат Марказий Кўмита аъзолигига номзод эди.

Мана, шу кун етиб келди. Кремль коменданти генерал Ваденин Москва якинидан ўғли командирлик килган полкни чакирди.

РСФСР Олий Совети номидаги билим юрти куролларини шай килиб турди, худди Кремлни кўшинлар босиб олгандай эди.

1953 йил 26 июнь. Шу куни соат бирда Никита Хрущев Москва шахри хаво хужумидан мудофаа кўшинлари кўмондони генерал-полковник Кирилл Семенович Москаленкони хузурига чакирди:

— Садокатли кишиларинг борми? Шундай кишилар бўлсинки, сен уларга худди ўзингта ишонгандай ишонгинг?

Москаленко: Топилади, Никита Сергеевич.

Хрущев: Ўзинг билан тўртта кишини олиб кел. Ёнларида сигаралари хам бўлсин.

Москаленко: Кандай сигаралар?

Хрущев: Нима, сен унутдингми, фронтда буни кандай аташларини?

Генерал эслади. Хрущев тўппончани назарда тутган эди.

Хрущев: Бош штаб ховлисида сени Булганин кутади. Тез бўлакол. Москаленко шу захоти кўл остидаги офицер Виктор Иванович Юферевни чакирди ва Хрущевнинг топширигини маълум килди. У подполковнидан сўради:

— Кандай ўйлайсан, Батицкийга ишонса бўладими?

Юферев харбий хаво кучлари бош штаби бошлигини ишончли одам, жанговар гёнерал сифатида биларди. У, Москва шахри хаво хужуми мудофааси штаби бошлиги Алексей Иванович Баксовга хам тўла ишонса бўлади, деди.

— Яна кимни олсак бўлар экан? — сўради Москаленко.

Муаллиф:
03.09.2013 16:54 -

Юферев Сиёсий бошкарма бошлиги Иван Григорьевич Зубанинг номини тилга олди. Хайдовчини хисобламаганда беш киши бўлиб йўлга тушишди. Бош штаб ховлисида Москаленконинг гурухини маршал Булганин кутиб олди. Унга шахсий кўрикчилар бошлиги подполковник Федор Безрук хамроҳ эди. Вазирнинг автомобили, яна ўшанака ЗИС-110 га ўтиришди.

— Кремлга хайданг, — деб буйрук берди Булганин.

Троицкий дарвозасига якинлашганларида, Булганин огохлантириди:

— Кўринмайрок ўтиринглар.

Харбий коровуллар олдидан муваффакиятли ўтишди, бурчакдаги алохида хукумат йўлагига якинлашиб, иккинчи каватга кўтарилишди. Мана, бир пайтлар Сталин ўтирган хона. Хозир бу ерда Марказий Кўмита Президиуми йигилишлари ўтказилади. Булганин ичкарига кирди, бошкаларни кабулхона каршисидаги туташ хонага олиб киришди. У ерда ўн беш-йигирма нафар одам — Марказий Кўмита ходимлари, бир неча генераллар ва маршал Жуков бор эди. Хамма бемалол гаплашиб, хазиллашиб ўтиради, латифалар айтишарди...

Шу пайтда Хрушчев пайдо бўлди. У Москаленкога якинлашди:

— Сизга Президиум аъзоларидан бирини хибсга олишга тўгри келади. Эҳтимол, у куролланган бўлиши хам мумкин...

Хрушчев барваста коматли Батицкий ва Юферевга каради.

— Сизлар унга якинлашасизлар. Качонлигини сизга айтишади... Кейин уни кўлга оласизлар.

Юферев: Отиш хам мумкинми?

Хрушчев: Йўқ, камаб, тергов учун саклаш керак. Курол ишлатилмасин. Хозирча хамма шу ерда колади. Иккита узун кўнгирок товушини эшишишингиз билан, котибнинг ёнидан ўтиб, хеч кимга эътибор бермай, мажлис бўлаётган жойга кириб бораверинглар.

Хрушчев чикиб кетди. Берия йигилишга кечикиброк келди-ю ўз ўрнини эгаллаб, сўради:

— Кун тартибида нима масалалар?

— Кўриладиган масала битта, — деб жавоб берди Хрушчев, — Лаврентий Берия тўгрисида. — Маленковга караб кўшимча килди: — Маърузани бошла.

Чорак соат ўтмай, иккита узун кўнгирок чалинди. Харбийлар эшикни очишиди, котиб уларнинг йўлини тўсади. Беш киши уни четлаб ўтиб, каршидаги хонага киришди. Улар ортида маршал Жуков хам бор эди.

...Раислик ўрнида — Маленков, ўнг томонда — Хрушчев, унинг ёнида — Булганин, эшикка якинрок жойда — Берия, Лаврентий Павловичнинг каршисида — Ворошилов. Кирганлар Булганин якинида, Бериянинг ортида тўхташди. Маленков маърузасини тугаллаётган эди: «...Кўриб турибсизки, Берия нафакат ички душман, балки халкаро микёсдаги душман хамдир. Уни дархол камаб, мана бу ўртокларнинг кўлига топшириш таклиф килинади.»

Батицкий ўзининг «парабеллуми»ни, Юферев — «ТТ»сини чикарди.

Берия бошини эгиб ўтираси ва асабий холатда когозга нималарнидир ёзар эди. Кейин маълум бўлишича, у факат бир сўзни — «тревога»ни ёзган экан, бу сўзни ўн тўккиз марта такрорлабди. Нихоят, Берия бошини кўтарди, бу пайтда харбийлар унинг ёнида туришарди — Юферев чап томонида, Батицкий ўнг томонида.

Жуков келиб: — Кўлингизни кўтаринг. Сиз камокка олиндингиз, — деди.

Тарихий бир сурат сакланиб колган: Берия билан Ворошилов худди ога-инилардек кучоклашиб туришибди. Лекин Клим омадли Лаврентийни хамиша ёмон кўрган ва ундан

Муаллиф:
03.09.2013 16:54 -

кўрккан. Кўркок маршал вокеалар нима билан тугашини билолмай кийналарди — ахир бу кудратли чекистни унинг эски ошналари, ўша Иван Серовнинг ўзи хам куткариб колиши мумкин эди-да. Никита Сергеевич унга бехудага ишонди. Берияни нихоят Марказий Кўмита Президиуми хонасидан олиб чикишганда, Ворошилов хозира нозир бўлди. Басавлат сокчиларнинг кўзларига синчиилаб тикилди. Подполковник Юферев ўз фуражкасини котиб хонасида колдирган эди ва чикиб кетаётиб уни олмокчи бўлди. Шунда Ворошилов юргилаб келиб: «Мен сенга хозир, чирогим, узатиб юбораман», деди.

Марказий Кўмита Президиумининг шошилинч мажлисида Берияни Москва харбий округи штабига ўтказишга карор килишди. Берия ва унинг кўл остидагилар иши бўйича терговга Бosh прокурор Руденко бошлилик килди.

Берияни майдони ўн икки квадрат метрдан ортик бўлмаган кичик бир хонага камашди. Каравот, курси — бутун хона жихози мана шундан иборат эди. Тергов ўша ерда, бункерда олиб борилди. Бош прокурорга алоҳида хона ажратиб беришди.

Москаленко мунтазам округ штабида бўлиб турди. Юферев билан бирга шу ерда тунади. Штабни танклар ва бронетранспортёрлар кўриклаб туришди.

Бериянинг уст-бошини — ипгазламадан тайёрланган солдат гимнастёркаси, шими билан алмаштиришга тўгри келди. Унга Москва харбий округи штаби гаражидан солдатлар ейдиган таомдан олиб келиб бериб туришди, идиш-товори хам солдатларницидай: котелок ва алюмин кошиқдан иборат эди.

Дастлабки кунларда Булганин хар кеча 12 дан сўнг камокхонага кўнгирок килиб турди.
— Ишлар калай? Тинчликми? Махбус ўзини кандай тутаяпти?

Агар генерал Москаленко ухлаб ётган бўлса, Булганин ер ости хоналаридан бирида мунтазам навбатчилик киладиган подполковник Юферевдан ахборот олар эди.

Биринчи марта у 1920 йилда камалган. Ушанда Багировнинг ёрдамида озодликка чиккан эди. Садокатли дўстлар бу гал хам ёрдам беришса керак, улар анави маҳмадона Никитани ўз фикрлари билан хисоблашишга мажбур килишади. Маленковчи, Маленков! Унга канча яхшилик килган эди-я!.. Агар Лаврентий бўлмаганида, у Ўрта Осиёда сургунда юрган бўларди. Шунда хам хўжайн унга тирик колиш имконини берса. Берия эшикни такиллатиб, калам ва когоз сўради. Унга дафттар вараги ва когоз беришди.

«Егор мени тасодифий кишилар олиб кетишганлигини нахотки билмасанг ахволни шахсан маълум килишингни истайман качон чакирасан».

Берия Григорий Маленковни Егор деб атарди. Хатдаги гапларни бош харф билан бошлишни хам, имло белгиларини кўйишни хам унуди.

У хатни навбатчи офицёрга берди...

Икки кун ўтди. Маленковдан садо бўлмади. Махбус унга иккинчи бор мактуб юборди.
«Егор нега жавоб бермаяпсан?».

Бир парча когозга калам билан ёзилган хар икки хат хам Хрущевга келиб тушди. Терговда Берия ўзини такаббуона тутди, факат прокурор гувохлар асосида исботлаш,

Муаллиф:

03.09.2013 16:54 -

мустахкамлаш имкониятига эга бўлган айбларгагина икрор бўлди. Ўзини оклашнинг янгидан-янги усулларини ўйлаб топиб, терговчиларни хар жихатдан чалкаштиришга харакат килди.

Тергов ярим йил давом этди. Хужжатлар, гувохларнинг далиллари, сўрок протоколлари ўн тўккиз томни ташкил этди. Иш бўйича Бериянинг олти сафдоши: Владимир Деканозов, Всеволод Меркулов, Лев Влодзимирский, Павел Мешик, Сергей Гоглидзе, Богдан Кобулов — Берия каллакесарлар армиясининг факат бир кисми жавобгарликка тортилдилар.

Бу кишилар — Меркулов, Деканозов, Кобулов, Гоглидзе, Цанава... Лаврентий Берияга ўттиз йилдан ортик хизмат килишди. Уларнинг ахилчилиги бузилмасдай туюларди. Бирок биринчи синовок — тергов ва суд — Берия тузган иттифок бекарорлигини кўрсатди. «Берия — амалпаст, бузгунчи ва бонапартист», — деди судда Богдан Кобулов. Владимир Деканозов унга кўшимча килди: «Берия ўзини хар жихатдан амалпаст, шаддод ва ёвуз одам сифатида кўрсатди». Маълум бўлишича, ўттизинчи йиллардаги кариб хамма кама-камалар унинг шахсий топширигига биноан амалга оширилган экан... Жиноятчилар тўдаси бошлигининг жиноий фаолиятини баҳолашда Всеволод Меркулов анча босиклик килди, лекин Лаврентий Цанава аник-равshan килиб гапирди. Белоруссиянинг собик Давлат хавфсизлиги вазири, 1937-1938 йилларда Берия ўзига ўринбосар бўлиб ишлаганларнинг хаммасини ва ўзининг кўпгина собик бошликларини оттириб юборганлигини маълум килди. Цанава уни шафкатсиз, золим, деди. Савицкий ва Мичурин-Ларин судда Лаврентий Бериянинг хаддан ташкари хокимиятпастлиги, шон-шуҳратга муккасидан кетганлиги хакида гапиришди.

Нихоят, Берияга айблов хulosаси билан танишишни таклиф килишди. Руденко катта хажмли, юз бетли хужжатни ўкишга киришганида, Берия кулокларини беркитиб олди. Прокурор изоҳ талаб килди.

Берия: Мени тасодифий кишилар камокка олишди... Мен, хукумат аъзолари мени тинглашларини истайман.

Руденко: Сизни хукумат карорига биноан камашди ва сиз буни биласиз. Биз сизни айблов хulosасини тинглашга мажбур киламиз.

Суд округ штабининг биринчи каватида бўлаётган эди. Зал Марказий Кўмита Президиуми аъзолари хоналари билан микрофон оркали боғланган эди.

Дастлаб Берия ўзини жинниликка сола бошлади: кўлини силкиб, гавдасини дам олдинга, дам оркага ташлай бошлади... Шунда бирдан олдига Москаленко келиб, унинг шими тугмаларини кесиб ташлади. Шим тушиб кета бошлади ва маҳбус жим бўлиб колди.

Судда катнашаётганларга фахшнинг курсони бўлган икки юздан ортик аёлнинг рўйхати тақдим килинди. Шунда хеч кутилмаган ходиса юз берди: Берия суд раисига мурожаат килиб, уларнинг номини айтмасликни, шарманда килмасликни сўради. Суд кенгашгани кириб кетди ва бир овоздан карор килди — судланувчининг талаби кондирилсин.

Судга гувоҳ сифатида бир неча аёл таклиф килинган эди. Леля Дроздова судланувчи билан алоказлари хакида анча батафсил гапирди, у бир неча йил унинг дала ховлисида

Муаллиф:
03.09.2013 16:54 -

яшаган эди. Уни күргач, Бериянинг ранги окариб кетди, гавдасини олдинга олди. Эхтимол, у Дроздовадан жилла курса бир неча огиз миннатдорчилик сўзлари эшитарман, деб кутган бўлса керак... Лекин аёл сўзини уни кандай зўрлаганлиги хакидаги аччик хакикатни гапиришдан бошлади. Бир огиз хам яхши сўз айтмади. Кейин Дроздованинг онасини сўрок килишиди. У кизининг далилларини тўлдирди ва судланувчининг хатти-харакатларидан газабланганлигини баён этди. Она ўз сўзи охирида тавон сифатида Бериянинг мусодара килинган барча буюмларини беришни талаб этди.

Берия юзини кафтлари билан беркитиб тинглади. У нинг бу судда сўнгги марта йиглаши эмасди. Карайб чорак аср мукаддам, Кутаиси камокхонасида хам у йиглаб, гунохларини кечиришни сўраган ва ниятига етган эди. Эндиликда у кандай максадни кўзлаётган эди? Л. Дроздованинг кўрсатмалари айлов хулосаси матнига киритилган. Унда шу нарса тилга олинганки, Берия 1944 йилда захм касали билан оғриган ва даволаш курсини тугалламай, тасодифий аёлларга касалини ютирган. Шу муносабат билан суд уни жиноят кодексининг тегишли моддасига биноан жиноий жавобгарликка тортди.

Бу судда аён бўлган конли воеалар бир нечта даҳшатли романга етарли эди.

Ўлимга хукм килинган жиноятчани Москва харбий округи штаби бункерида катл килишиди. Унинг гимнастеркасини ечиб олиб, ичкўйлакда колдиришиди, оркасига кайрилган кўлини тахтага кокилган илгакка махкам бοглаб кўйишиди. Бу тахта кузатувчиларни ўқ сакраб кетишидан саклаши керак эди.

Прокурор Руденко хукмни ўкиб берди.

Берия: Гапиришга рухсат беринг...

Руденко: Сен хамма гапингни айтиб бўлдинг. (Харбийларга): оғзини сочик билан беркитинглар.,

Батицкий: Ўрток кўмондон, менга рухсат беринг (ўз «парабеллумини олади). Мен бу тўппончам билан фронтда кўплаб абрахларни у дунёга жўнатганман.

Руденко: Хукмни ижро этинг.

Батицкий кўлини чўзди. Берия бοгич устидаги кўзларини бирини олайтириб, иккинчисини кисиб караб турарди. Батицкий тепкини босди, ўқ махбуснинг пешонасига тегиб, гавдаси арконга осилиб колди.

Катл маршал Конев, прокурор, бир гурух харбийлар ва суд аъзоси Кучава иштирокида амалга оширилди.

Врачни чакиришиди. «Унинг нимасини кўраман, — деди врач, — тайёр бўлибди-ку. Мен уни билардим, аллакачон чириб бўлган эди...»

Бериянинг жасадини хомсурпга ўраб, крематорийга жўнатишиди. Ўша куни Лубянкада катл этилган олти сафдошининг жасадларини хам ўша ёкка олиб боришиди.

Инсоният тарихида энг машхур золимлардан бирининг мураккаб хаёти ана шундай тугади.

Лаврентий Бериянинг ўлеми билан аник ифодалаш кийин бўлган золимлик даври нихоясига етди. Энди ўша шармандали ўтмишни лаънатлашни бас килиб, унинг кайта такрорланишига йўл кўймаганлардан миннатдор бўлайлик.

А. Антонов-Овсеенко. "Литературная газета" иловаси "Досьё"дан таржима килинди.